

藍山詩集



藍山詩集

藍山詩集卷之二

七言絕句

戲題二絕

朝野文章自不同  
壤歌何敢敵黃鐘  
山林別有鈞天奏  
長在松風澗水中

詩不驚人只漫裁  
藥能療世更須栽  
如今老去成何事  
對坐青山酒一杯

五題枯松怪石圖

老枝枯幹倚巖巒  
縱有風雲變化難  
自是無心愛春色  
千年畱與石同看

藍山詩集

卷三七絕

古木蒼藤圖

風雲氣質雪霜蹤  
獨立空山慘淡中  
慚愧藤蘿爭附託  
年年春色換青紅

題獨駿圖

圍人牽出柳風涼  
十二天閑白晝長  
老眼慚看兵革息  
相逢期在華山陽

題彭時中玉泉亭二首

芰荷衣老山人去  
松菊園荒處士歸  
門外柳溪清似玉  
沙頭鷗鳥亦忘機

五柳開門一日樂  
百年仕路幾人閒  
玉泉亭上月如練



我欲倚筇秋樹間

南村

亂來村野幾家全  
近長丁男亦戍邊  
辦得軍裝牛已賣  
門前荒草是官田

除夜憶小兒泊峽口

除夜孤燈對短篷  
浮生原不定西東  
斷猿何處驚殘夢  
風雨瀟瀟宿峽中

聞小兒欲歸

風雨泥途汨汨忙  
新春殘臘寄他鄉  
歸期趁得天涯燕  
社日飛來入草堂

藍山詩集

卷三 七絕

二

題萬竹圖

春雲淡淡湘江濶  
秋雨瀟瀟渭水深  
斤斧十年生意盡  
不知何處得泉林

題梅窗玩易圖

三絕韋編一洗心  
碧窗風露靜沉沉  
寒灰自畫周天卦  
月上梅梢夜已深

題歐陽雪舟墨梅二首

橫梢倒榦春偏好  
冷蕊疎花晚自妍  
老我正須詩興助  
欲移茅屋住湖邊

最憶廬陵老鍊師  
酒酣揮筆寫南枝  
春風開盡江頭樹

不見扁舟載雪時

寄蘇明遠

寫得冰梢帶晚霞歸囊卷贈一枝斜摩挲老眼看春色  
卻訝牆頭出杏花  
筆下秋光最好看相思千里寄來難白頭已入廬山社  
猶憶東籬月影寒

稚子牽牛似挽車微風落日笛鳴鳴故人久識柴門處  
爲作藍原野牧圖

釣船移向夕陽邊春水桃花綠滿川一曲漁歌聊自樂  
晚風休爲世人傳

藍山詩集

卷三

七絕

三

題溫日觀蒲萄

數藤馬乳秋風晚一架驪珠夜月明憶昨草堂看晝日  
意連詩句獨先成

開士名流溫日觀最能潑墨作蒲萄君家此本何年物  
彷彿前人筆格高

絕句四首滁川作

風雨孤村似禁煙束薪然桂未虛傳良材巨木他山盡  
樗櫟如今正值錢

山林面面網羅高千里長空絕羽毛獨羨簷頭飛燕子  
不隨椒藿入君庖

移根巖壑帶風煙千丈干霄野老傳莫向長安城下種  
王孫只擲賣花錢

籠檻先拚鼎俎危江湖休恨稻梁微沙鷗最是知機早  
纔近漁舟又遠飛

題黃仲文扇面小景

鵝白新裁月一團濛濛煙樹著前巒野人不慣藏紈素  
片紙畱傳久遠看

紙扇相遺意未輕好風還似故人清林中李白休相笑  
拾得長江片月明

山中隱者似王維胸次邱園下筆時何日南窗分一幅

藍山詩集

卷三 七絕

四

輞川煙雨費題詩

題郭文騎虎圖

先生騎虎似騎牛玉麈談空嘯仰頭猛獸革心猶足信  
旁觀何用世人愁

題小景

層層金碧倚巖阿花徑春濃有客過行到野橋觀石瀑  
始知人世挽天河

野亭分坐納微涼綠樹清流晝景長不有山林深更僻  
人間無處避驕陽

強欲登高行路難溪橋危坐對秋山白雲紅樹添詩興

月上長空忘卻還

獨釣寒江雪滿簑數峯相映玉嵯峨閉門誰念山中客  
自比袁安懶更多

題杏林春意圖

百世長沙遠有宗手栽仙杏滿林紅春風桃李雖無數  
不共生民立命功

秋日偶成二絕

荒苔落葉小軒秋兀坐無聊疾始瘳一縷篆煙飛不盡  
又將詩卷閱從頭

秋雨生寒似早春寥寥門巷綠苔新社前釀熟松醪酒

藍山詩集

卷三七絕

五

畱得山瓢候故人

秋山道中

古道蕭蕭落木寒獨騎款段繞秋山衰年不較前程遠  
緩轡輕鞭意自閒

漠漠長空起夕陰西風片雨著前林晨谿欲借孤舟渡  
秋水新添一尺深

崖樹深紅映淺紅行人卻立羨西風不知秋色凋零易  
只道春光爛漫同

門前虎跡山家曉林杪猿聲客路秋古木寒煙孤戍近  
小橋流水數村幽

病起後園看花

霜枝露葉長叢叢鑄就黃金訝許同昨日不緣行藥到  
又成寂寞負秋風

冷坐東籬句自敲旁人錯訝候香醪餐英飲水尋真樂  
久與王宏著絕交

露下碧叢珠滴滴月明素萼雪團團不知晚節全清白  
更向東籬仔細看

一枝數萼翦輕冰應與淵明共素心秋色滿園題品偏  
從來白玉貴黃金

重賦紙帳

藍山詩集

卷三七絕

六

熟搗秋藤爛有光白雲一片挂山房道人忽作瑤臺夢  
霜月當簷漏正長

數幅秋藤拂地齊匡牀閒對竹爐低山中一枕梅花月  
不識雞聲送馬蹄

雲松到西山有四絕句見貽依韻奉和兼柬雲壑

本淳一笑

自與山靈有夙期題書屢報入山時林間二客煩相待  
拂拭蒼苔看舊詩

路歧筋力久難堪偶爲山人過水南明月軒中一斗酒  
浮邱今夜共清談



三年兩夕會西山寸晷分陰若自慳白髮期來洗髓  
又扶竹杖叩雲關

平生痼疾在林泉老去詩名亦漫然故舊相逢聊一笑  
蟬聲過耳竟誰傳

題梅窗玩易圖

月到書帷夜肅然南枝微有暗香傳靜中純繹先天學  
消長盈虛在目前

余昨騎驢看山雲壑以爲宜繪圖以紀一時清興  
請雲松書之他日以語復古道人遂欣然放筆

因題二絕句

藍山詩集

卷三

七絕

七

杖頭獨挂一瓢詩雨色南岡款段歸童子急應傳桷笠  
畫圖還似少陵非

長袖輕鞭不用揮平沙淺草夕陽遲青山盡好埋詩骨  
更許劉伶荷鍤隨

題梅根讀易圖

疎花老幹轉春風獨坐觀書夕照中倘許蒼苔分半席  
也來林下論參同

次韻雲松雨中書懷十絕

暫聽簷聲住少時回風一送又淋漓只愁雨過春花老  
花柳相看亦斂眉

雲深不見樹頭山，偶對朝暉一破顏。  
處處林塘春水滿，此心猶愧白鷗閒。

蓬蒿不翦藥畦荒，午夢醒來草滿堂。  
幾樹幽花郁落盡，祇應風雨妒年芳。  
數卷殘書共小軒，一庭芳草掩閒門。  
連陰斷送青春老，未辨晨光與夕昏。  
夜坐南軒月滿天，曉來雲氣失前山。  
東風莫倒大河水，畱得蘇枯七月間。  
百感相從集老懷，閉門兀坐自書灰。  
朝光偶噪花間鵲，又恐茅檐有客來。

藍山詩集

卷三

七絕

八

雲間自有種芝田，林下長流飲鶴泉。  
絕口不談當世事，樵歌牧唱又成編。

春吟又入杏花村，風雨園林白晝昏。  
茅屋半閒誰借住，數竿修竹野禽喧。  
老去長懷水竹居，病來城市跡全疎。  
昨朝偶遣兒童出，不爲修琴爲借書。

詩人風致似寒梅，不顧冰霜獨自開。  
湖上草生栽更少，又從春雨斲蒼苔。

再續前韻

憶過南山植雨時，角巾微折濕淋漓。  
長空如洗雲煙盡，

回首松梢月一眉

空歌白石爛南山誰有丹砂可駐顏風雨又催春事老

田園未許暮年閒

積雨空林草樹荒杖藜扶病過橫塘野園紅白知多少

獨有芝蘭異衆芳

梨花斜轉月侵軒燕子飛回雨打門春興擬同平子賦

自慚頭白眼眇昏

數杯濁酒自寬懷一寸丹心著死灰往事已隨春夢斷

閒愁更傍雨聲來

雲際飛鴻快遠天霧中文豹隱南山也知深谷多芝草

藍山詩集

卷三 七絕

九

老向清泉白石間

生涯谷口子真田詩興門前阿對泉不信老年無一事

夕陽窗下理殘編

白雲青草帶荒村山氣濛濛似雨昏近日許由知更懶

風來不較一瓢喧

白水青山隱者居門前綠樹更扶疎春晴不赴游山約

四壁芸香自著書

西崦當年手種梅繁花頻向雪霜開如今春雨看佳木

老榦橫枝半是苔

雜題絕句用希真韻

谿邊飢鶴啄蒼苔瘦骨伶俜翅懶開風格自非塵世物  
舊時衡嶽送仙來

百丈長松絕可憐亭亭孤立雪霜前世人未用輕高節  
時有山僧枕石眠

一葉輕舟野水濱行人來往問通津長江風浪時時惡  
蓬底高眠懶應人

牛背斜陽一笛風滿川煙草落花紅人間萬事深如海  
不遣閒愁到牧童

草堂背郭似深村桑柘連陰白晝昏扣戶不堪徵斂急  
數年空閒讀書軒

藍山詩集

卷三七絕

十

書懷

世事春冰漸漸消不知今日有明朝雷連老景尋詩卷  
料理衰頹種藥苗

風雨蕭蕭暮景催塵埃汨汨壯心灰樽中明月能長滿  
鏡裏青春不再來

三年築屋住西村桑柘陰斜日已昏欲鼓莊盆心自懶  
林鳥何事夜啼喧

舊屋猶存春雨餘故交縱在曉星疎蕭蕭白髮青燈下  
閒聽諸孫學讀書

風雨

驟雨連旬苦未休，飄風數日又何求。山中茅屋頻搖撼，疑是浮家海上舟。  
溪岸沙崩損藥園，山田石裂壅泉源。平生數畝耕桑計，風雨無情欲併吞。

傷春

山莊寂寞雨兼風，紅紫園林數夕空。憶得往年三四十，青天白日萬方同。  
落花飛絮滿晴川，杜宇聲聲更可憐。不用傷春愁欲死，亦知春去有明年。

東雲松會宿翁源

藍山詩集

卷三七絕

十一

路入仙巖更向西，松林茅屋擬同棲。一尊風月謀今夕，邀得閒雲晚度溪。

石村阻雪雲松惠詩依韻奉答

清湖晴雪對蓮峯，下有絃歌一畝宮。題得新詩茅屋寄，長松修竹共清風。  
攜得長鑱度雪峯，月明畱宿洞仙宮。世人未識賓雲曲，閒卻林梢一笛風。

和雲松雪中十絕

夜寒敢歎臥如弓，起傍殘爐楮袖紅。童子偶看門外白，誰將瓊玖賑詩窮。

夜雪茅簷積漸高，傍林時聽折危梢。  
南山石上雙松樹，莫更動搖仙鶴巢。

天上浮光帶玉京，世間幻境入瓊林。  
馮夷奪得天孫巧，翦水飛花一夜深。  
亂來雙鬢俱成雪，對雪疑窺鏡裏顏。  
明日春風消釋盡，祇畱鬢影對青山。  
瓊林只在碧山阿，遙憶仙人寄傲多。  
閉戶袁安僵不起，難隨鶴背一相過。  
梅花開徧臘將殘，幾度吟詩倚暮寒。  
何處寒驢馳孟老，一鞭風雪正漫漫。

藍山詩集

卷三

七絕

十一

翠竹擎多看漸低，寒梅封厚望應迷。  
尋春擬趁朝暉出，又恐青鞋濕凍泥。

曳履自慚隨獸跡，杖藜欲出聳鳶肩。  
酒中挽得陽和轉，一斗松醪直萬錢。

羣賢詩語鬪清新，白戰何人筆有神。  
未似漁翁堪入畫，孤舟篔簹自垂綸。

旭日光微未盡消，背陰巖谷互連朝。  
春風一解崑崙凍，盡化河澌入海潮。

玳姬題扇圖

花比顏容石比心，自將團扇寫新吟。  
同車昨日辭天寵，

不費長門買賦金

口號

顛狂稚子六七輩  
斑白交游三四翁  
翻到詩書何日靜  
笑談尊俎幾時同

閉戶長吟一日樂  
上牀熟睡一宵安  
門外太行三萬里  
暮年筋力久知難

偶成

養得新雛頂漸丹  
海天萬里在雙翰  
山僧不識神仙物  
只作尋常野鳥看

燕石登牀玉在泥  
月明空憶卞和啼  
蕭蕭白髮煙波侶

藍山詩集

卷三

七絕

三

莫放漁竿別舊溪

石村阻水

昨日今日雨不絕  
武夷東西溪水高  
架壑仙船在巖頂  
也愁孤棹動風濤

空山雨腳亂如麻  
短杖衝泥草徑斜  
野老門前三尺浪  
相逢真在水仙家

贈雲壑

望水尋山不憚遙  
白雲紅樹喜相招  
夢回茅屋瀟瀟雨  
又得畱君住一宵

題墨菊

園林凜凜霜前意竹石瀟瀟野外芳不信黃金能改色  
甘隨玄玉學韜光

霜露肅時香自遠邱園暮景節尤高東籬月送參差影  
傳得秋香入兔毫

送茶與朱孟舒

仙草靈芽出洞天封題千里附歸鞭月明記得相尋處  
曾試林間第一泉

先隴有感

雙親已遠弟兄稀魂夢相逢似舊時茅屋數椽田二頃  
白頭猶受一安遺

藍山詩集

卷三 七絕

十四

寄題五夫先隴

雙親遠葬傍西巖麥飯來遲每自慚願得太平徭役少  
結茅此地守松杉

寄文明病中

童冠論交五十春巷南巷北日相親年來頗恨俱衰病  
欲候平安卻問人

欲療瘡痍未有方閉門伏枕換年光從來禍福分淫善  
天道如今轉渺茫

病中

朽骨不禁風露冷衰容更畏雪霜繁呼兒欲問春深淺



柳絮梨花已滿園  
杖策兒扶村舍翁  
一尊花下臥春風  
社前雷動催茶筍  
興入千巖萬壑中

暖日茅簷病骨輕  
杖藜徐起踏青行  
一聲似曲穿花過  
何處飛來谷口鶯

山城雨過草萋萋  
無數殘紅逐馬蹄  
燕子不知風景異  
傍人華屋又銜泥

更如西山道人惠江南筍

江南苦竹生甘筍  
春社雷驚出土長  
扶病欲來參玉板  
道人曉起贈雙筐

藍山詩集

卷二十七絕

五

寄雲壑請修渡船

渡口沉舟久欲修  
百川東下正橫流  
艱難共濟慚衰老  
更喚前溪黃帽頭

題張師夔小景

空山秃木兩株長  
屈榦樛枝半欲僵  
下有敷榮三五樹  
自緣低處少風霜

危柯怪石自相依  
遠岫含煙夕照微  
千里山川秋似水  
西風不送雁南飛

題小景

短棹中流往復還  
神交原不在承顏  
剡中清興何人會

月滿長川雪滿山

湖邊倒樹玉爲槎樹底茅簷路半斜  
飢鶴翅寒飛不去  
伴人閒立看梅花

玉堂空愧故人招風雪歸來渡野橋  
畱得平生詩興在  
蹇驢破帽鬢蕭蕭

藍關回首自淒涼積雪層冰道路長  
去國可無三宿戀  
旁人休笑馬蹄僵

題東郊歸牧圖

牛背相驅下隴時夕陽門巷景遲遲  
欹眠倒立休相訝  
造化從來似小兒

藍山詩集

卷三

七絕

六

淺石幽柯草滿川吳牛背上穩於船  
兒童顛倒爭喧笑  
絕似雍熙在目前

題廉宣仲墨竹

先朝文物佳公子善寫簷篔一兩枝  
不有百年真翰在  
清風高節幾人知

城中無土種琅玕蒼翠時時畫裏看  
最憶西山秋影淨  
滿身涼月更憑欄

題王仲文臨清閣卷

高閣畱賓酒滿杯秋風千里雁初來  
故園松菊平安在  
天際歸舟不用催

題煙波垂釣扇面

漁釣生涯不爲貧，煙波鷗鳥日相親。  
鑑湖一曲秋風興，誰似知章早乞身。

題王仲文小景

雨過春山草木稠，懸崖千尺挂飛流。  
幽人倚杖遙觀處，似在廬山五老游。  
春日觀泉

綠樹垂帷石作臺，龍唇拂拭自徘徊。  
黃埃赤日人間世，政想南風解愠來。  
清晝鼓琴

晴空萬里片雲收，山木蕭蕭虎豹秋。  
對酒願留天上月，清光長照少年頭。  
涼宵對月

藍山詩集

卷二 七絕

二

旭日初升雪滿山，水邊林外覓花看。  
南枝先得陽和信，竹杖芒鞋不避寒。  
雪霽尋梅

題荷池白鷺

西風雨過藕花稀，湛湛池波見雪衣。  
老眼不知原是畫，移筇欲近畏驚飛。

白鷺飛來水滿池，綠荷深處立多時。  
隨羣竟得腥羶飽，應笑江鷗獨自飢。

述懷東雲松

老去羣編倦討論，病來餘息費溫存。  
閒庭雨過生秋草，正喜交游不出門。

煙霞沉痾倦尋醫城市山林性自移陶令老來腰頗折  
數篇空愧詠貧詩

題張兼善松下看雲圖

何處仙山罷看棋風塵回首誤歸期松間石上徜徉處  
又伴閒雲臥武夷

松下看雲有逸人幾回招引不相親西城賣藥歸來晚  
自扣巖扉月滿身

題宣和畫鵝雜卷

柳下金溝暖似湯羽翎全短毳毛長睿思不及鷹揚力  
愛畫舟前似酒黃

藍山詩集

卷三 七絕

六

宴安花石應成癖遊戲翎毛思有餘內苑養雛何所賜  
右軍能寫道家書

題鄭御史竹木圖

鄭公胸次貯冰壺愛寫疎篁古木圖攜入洞天人不識  
借看唯有列仙壺

題清源玩易圖

一卷羲經足洗心研朱滴露向秋林仙人欲授參同論  
白鶴飛來夜已深

題白雲思親卷

獨坐書帷久未歸憑高偶見白雲飛飛來下有先廬在

古木寒溪入翠微

題李士名大使望雲卷

年少長才有幾人  
霜蹄暫試已超羣  
王程遞送如流水  
何處能名不遠聞  
北人南仕再承恩  
時向南天望北雲  
遙憶雙親垂鶴髮  
春風吹袂倚柴門

晨昏甘旨隔庭闈  
念念懷歸未得歸  
寸草有心無處託  
願隨天際白雲飛

世代幽燕住少城  
黍離麥秀正含情  
良工未識居庸面  
寫出田廬潑眼明

藍山詩集

卷三 七絕

九

詠桃花馬

君家駿騎自超羣  
毛色桃花箇箇文  
安得騰驥三萬匹  
滿川應似漲紅雲  
生從渥水真奇骨  
臥向華陽亦素心  
何事落紅飛滿背  
誤衝風雨過桃林

效馮老泉詠西山蚊蟲

林屋飢蚊響似雷  
成羣作隊夜深來  
道人傳得希夷睡  
燒盡葭煙一束灰  
蚊蟲只爲口如針  
火劫煙攻退又侵  
風露儘多呼吸處  
破窗殘隙莫相尋

散漫飄蕭豹腳長小窗飛入鬧昏黃月明蕙帳今空在  
借問爲誰逐客忙

霜落俱看掃跡空雨餘又聽放聲同生民膏血能多少  
盡在饒腸利觜中

黃仲文寄墨竹

一幅鵝溪寫輞川高情相許已三年春風傳得平安報  
翦與淇園半畝煙

兼善攜仲文竹至

青山久隔故人面修竹自同君子心老可近來無一事  
爲添清影滿東林

藍山詩集

卷三 七絕

字

寄復嬰本淳

絕粒虛腸譬餓囚無眠倚戶數更籌仙家有說能飛解  
不挾凡軀送十洲

示諸孫

食少事煩何擾擾日斜途遠更茫茫諸孫倘有成人志  
力學躬耕莫暫忘

食魚呈劉河泊

清溪紅鯉上雕盤庖子揮刀膾雪寒遙想河官停夕箸  
欲分山老助晨餐

琴高入海偶先還掉尾揚鬚戲碧瀾野老久思羹一啜

病軀無力掣長竿

病來物物不入口  
最想波鮮芼潤蔬紫鯉上盤背白雪  
加餐願看腹中書

河官頓頓食魚羹  
不待侯門有鈇聲  
老子平生藜藿口  
狂來猶欲膾長鯨

藍山詩集

卷三

七絕

三

藍山詩集卷之三終

藍山詩集卷之四

七言律詩

次雲松訪復嬰宿萬年宮韻

聞道尋仙叩洞門，清溪古木路斜分。  
桃花滿地飛紅雨，橘樹高崖漲綠雲。  
講罷先天煙篆冷，夢回斜月玉笙聞。  
高秋也欲扶衰病，共候山中白馬君。

擬登武夷昇真不果

三十六年懷此山，重來白髮換朱顏。  
庭栽松樹參天長，舟逐桃花失路還。  
人世又經滄海淺，仙家長與白雲閒。  
丹爐倘許尋餘藥，蛻骨蒼崖翠壁間。

藍山詩集

卷四

七律

寄詹久孚別駕

南海初傳製錦迴，維揚又報剖符催。  
功名得路輕車便，文采驚人舊目猜。  
何處眠羊重改卜，此時騎鶴暫歸來。  
武夷倘憶論文處，宿草荒墳不必哀。

謝劉蘭室惠網巾

故人於我最情親，分惠青絲作網巾。  
鏡裏形容加束縛，眼中綱目細條陳。  
少遮白髮安垂老，轉視烏紗障俗塵。  
更與籜冠藜杖稱，世間還有葛天民。

再賦網巾

故人念我鬢毛疎，結網裁巾寄敝廬。  
白雪盈簪收已盡，



烏紗著紙畫難如門臨寒水頻看鏡籬掩秋蓬不用梳  
昨日客來應怪問衰容欲變少年餘

送彥材居貞

二鄭才名世並傳自非同氣亦宗賢石渠有待書重校  
宣室遙知席欲前對雪肯過安道隱臨風長望李膺船  
春光浩蕩青雲闊日送雙鴻上九天  
閑關西去度嵯峨下有輕舟入浙河春日山川開雨雪  
舊時灘瀨滅風波玉堂蓮炬須分直茅屋村醪許重過  
擁腫自慚山下木老枝空榦倚巖阿

病起偶成

藍山詩集

卷四 七律

二

春來春去總匆匆九十光陰臥病中緩步也愁平地險  
加餐不與去年同生憎野草侵入綠可惜殘花過眼空  
昨日鄰童偶相值不知何處一衰翁

擬送蔣伯羽

不掃仙壇借隱居扁舟南下意何如十年藩府趨帷幄  
千里山河倦尺書怪事只今看失馬前程未用歎枯魚  
病軀不得臨岐別搔首東風柳影疎

寄劉彥炳

九曲溪頭問草堂名山不隱又還鄉畫船邀客湖光近  
金剎題詩竹影涼帷幄十年心最苦幅巾三徑意何長

不知聽罷山陽笛，派向南雲落幾行。

挽蔣鶴田

乾坤慘淡士林空，又折南山百丈松。只有騎驢噴李白，更無覆瓿笑揚雄。清文金石傳來世，高節田園託老農。他日漢廷興禮樂，安車不復到闔中。

憶過秋山訪隱居，三年悵望信音疎。共知鄰境征徭密，不念斯文老病餘。賁恨遲千里，駕承家須護一樓。書門人藍澗，修文早不及哀歌共挽車。

雪中抵竹梅齋

衝風冒雨轉幽崖，雪滿長空夜色催。客枕有時驚折竹，

藍山詩集

卷四 七律

三

游帷無處認寒梅，野人籬落孤煙迴。茅屋瓊瑤幾尺堆，掃入公家微斂足。冰山不願太陽來。

過南峯寺

杖藜驚起鹿麋羣，古寺尋幽日欲曛。山磳雪添三尺水，竹房僧借半間雲。林深已覺嵐光重，市遠都忘俗事紛。彷彿廬山還栗里，過橋疑有虎聲聞。

寄余復嬰鍊師

石鼓渡頭呼釣船，幔亭峯下候真仙。川原雪霽浮春色，樓閣林深瑣暮煙。游市懸壺凡幾日，還山服藥又千年。雲間舊隱金蟾跡，擬借丹鑪煮石泉。

野望呈雲松

杖藜徐步立春風，李徑桃蹊望眼中。  
白髮無情催我老，青山有興與君同。  
自慚溷落千年調，未信支離一世窮。  
多病近來真止酒，衰顏不用向人紅。

次雲松謝換巾韻

長因露頂笑張顛，一幅烏巾了暮年。  
廬阜高人邀入社，華陽道士聽談玄。  
閒情已爲新裁葛，纖手休誇巧製蓮。  
野老不知時格異，相逢林下訝真仙。

換巾

飄蕭素髮映黃髯，新換巾紗爽氣添。  
占竹不妨隨杜甫，

藍山詩集

卷四 七律

四

杖藜還許似陶潛，古來風俗存高頂。  
野外兒童識短簷，莫爲欹斜忘自正。  
出門臨鏡更頻瞻。

花朝偶成

一聲霹靂洗乾坤，滿目青山帶白雲。  
地底龍蛇驚欲動，樹頭烏鵲喜相聞。  
鄰人買酒酬春社，野老攜書就夕曛。  
閒拂塵埃開匣鏡，白頭微有黑絲分。

題聽松軒卷

野老林居入萬松，曲肱高臥聽長風。  
龍吟水底寒初起，虎嘯山前氣更雄。  
天籟未收人境內，秋聲又挾海潮東。  
客來剝啄驚幽夢，彷彿鈞天曲未終。

重經平川有感  
壞道頽垣蔓草區  
眼中人世古今殊  
朱門五馬先朝貴  
白屋三徵此日無  
松竹不堪論舊事  
山林何處託潛夫  
月明誰唱滄浪曲  
欲問漁舟不可呼

謝劉蘭室惠蘭

古道相交未肯疎  
猗蘭分贈意何如  
擬將雅曲隨琴度  
更藉幽香入佩餘  
畏景漸移空谷日  
光風真屬野人居  
從今善類多蕃植  
何羨窗前草不除

闕雨寄上官鍊師

七月三旬天不雨  
兩鄉百里井無泉  
連畦接畛枯將盡

藍山詩集

卷四

七律

五

爍石流金勢可憐  
江上雷雲虛作意  
山中草木欲生煙  
仙人不管蓬萊淺  
深瑣蒼龍洞裏眠

闕雨寄程雲壑

十處龍湫九洞泉  
幾人奔走祇堪憐  
自焚虛擬之推死  
獨祭難銷孝婦愆  
漸恐揚塵侵海水  
久知垂象動星躔  
梅峯隱者非忘世  
也向雲間禮孔仙

九日西莊懷弟

衰年無力遠登臨  
短杖扶持叩竹扃  
雨過林間雙澗碧  
雲消天際一峯青  
黃花寂寞憎詩瘦  
白髮淒涼畏酒醒  
心把茱萸思骨肉  
雁聲孤起夕陽汀

無名 九日懷滁州弟

滁山昨夜有書回  
苜蓿連雲手自栽  
楚客久知懷璧罪  
不疑虛受盜金猜  
百年光景成孤注  
九日淒涼對一杯  
獨有夢魂難間隔  
月明應傍故鄉來

無名 再題南山別墅

攜家自愛鹿門耕  
避世何須谷口名  
黃菊正開扶短杖  
白衣不至對空罌  
隔溪漁笛隨風細  
何處牛歌起月明  
兄弟幾人今隻影  
空搔短髮愧餘生

無名 送杜德基歸省

苦學憐君最少年  
傳瓊况是隱君孫  
屏山仰止來千里

藍山詩集

卷四 七律

六

杜曲今流溯一原  
奇字政須詢古學  
力行無愧守空言  
西風一夜歸心切  
知有慈親獨倚門

途中有感

泥途汨汨雨霏霏  
白黑誰能別是非  
何物功名真拾芥  
富人富貴是危機  
刑章正密飛騰少  
禮樂方新揖讓稀  
枯木死灰忘世者  
杖藜回首立斜暉

九月晦日見菊

一夜秋香未必衰  
兩旬冷蕊苦開遲  
非關獨立超流俗  
自是孤芳不入時  
歲暮結交松柏友  
天寒謝絕蝶蜂知  
無心更待陶潛酒  
有感惟吟鄭谷詩

秋日書懷

黃花紅樹礪西村臥病高秋欲斷魂九日淒涼思弟妹  
十年憂患信乾坤仙經未試丹砂訣世網空添白髮根  
擬向清池窺老影滿山風雨一川渾

書懷寄雲松

不管黃花笑白頭瓦盆共醉亦風流山林傲睨陶潛世  
風雨淒涼宋玉秋轉眼光陰雙去鳥餘生心跡一浮鷗  
紫芝白石南山路倚杖柴門月色幽

西山聽雨追懷虛白藍澗二弟

老病難忘物外情藍輿借力谷中行秋風著處畱三宿

藍山詩集

卷四

七律

七

山雨來時未五更池草夢回悲小謝石羊跡在憶初平  
神仙大藥從來遠世上年年白髮生

次雲松畱別韻

爲客山城未浹旬分攜相顧白頭新長橋柳色霏微雨  
空谷芝香浩蕩春君意自寬猶惜別我才無用付沉淪  
林泉爽氣宜詩興應有新篇寄惠頻

鄭居貞惠鐵冠

良工鍛鍊體輕虛竹籜裁成巧不如勁氣何論烏府重  
高風自出杏壇餘卻愁短髮簪難穩永戴高情晚不疎  
何以報之青篛笠知君谷口戀耕耜

執熱奉懷余復嬰

毒熱中人如毒藥流年過眼似流星已拚朽骨同蟬蛻  
敢擬高仙類鶴形清論有聞勝濁酒非才自笑負丹經  
山中舊屋何人住千歲長松養茯苓

題鄭居貞長林書屋卷

萬松樓外問松樓下有長林百畝幽最念詩書先澤遠  
頻傷兵燹故園秋榎楠自足充新構風月從知勝舊游  
插架牙籤三萬軸諸孫文彩繼弓裘

次林仲雍見寄韻

西上長安偶識君柴門語別對斜曛九重擬獻三冬日

藍山詩集

卷四 七律

八

萬里歸尋一壑雲白帽管甯終避世長鑱杜甫願隨羣  
草堂昨夜偏相憶猿鶴秋聲處處聞

題朱士堅屏山隱居圖

臨川城外隱君子兒孫滿目自繩繩三世喜聞詩禮學  
一門獨著孝廉稱土堂綵戲春多酒滿屋書聲夜有燈  
盛代豈容終隱逸白眉先起任賢能

翠屏山下卜幽居秋水荷花十里餘遁世已甘棲畎畝  
起家何負讀詩書近聞拔萃游京學又見求賢擁傳車  
年少功名方快意早持恩誥入門廬

春興

穆穆煙柳早鶯啼喚起春風送杖藜花映前川紅遠近  
草迷長路綠高低流光冉冉增惆悵往事悠悠倦品題  
安得一樽長在眼夕陽林下醉如泥

故人擬時事經故居

世事浮雲變換多歸耕仍覓舊煙蓑城邊老屋他人住  
溪上荒園此日過社燕已非尋主入林鶯還是爲誰歌  
角中喜有鄰翁在閒與庭前晒樹柯

題清源游仙圖

海上神仙只遠聞圖中眞景識清源雲開秋色連蓬島  
雨過春陰散石門應有仙人騎出虎定無逋客恨啼猿

藍山詩集

卷四 七律

九

人間歲月頭空白安得流霞共一樽

書懷呈時中

詩書耕稼趣難忘訓子呼孫也自忙盡日不談當世事  
衰年還寫養生方菜羹蔬食時偏爽莞席藤衾夢更長  
近喜鄰居彭處士休官相伴老柴桑

次詹立之題石壺菴韻

故人招飲石壺山煙火蕭條書景寒仙去或傳丹井在  
樵歸未得局棋看莓苔雨後沾荒壁薇蕨春來饋滿盤  
前代開基仍種植空餘疎竹對塵欄

追懷天壺舊游用前韻



天壺不似在人寰，湧翠飛流面面寒。石徑似梯同鳥上，  
洞門無鎖有猿看。何年瑤草尋金闕，舊日仙桃捧玉盤。  
宴罷流霞分手後，獨因詩興更憑欄。

黃真題劉則正椿桂圖

靈椿丹桂人間少，又說君家報施深。三世傳忠書滿屋，  
一門積善杏成林。功名誰似幽人吉，甘旨甯違孝子心。  
野老久無城府跡，披圖還欲遠相尋。

黃真題新創樵樓美邵令

大棟層軒俯廣庭，南山遠送武夷青。五更畫鼓先迎日，  
百尺雕欄近列星。漏點分明知善政，齋居高爽挹仙靈。  
藍山詩集

卷四 七律

十

從今清獻梅花月，祇向春風角裏聽。

大蘇呈邵張二宰

從祀先儒起邵張，高門奕世擢賢良。列星並應郎官出，  
愛日相期化國長。綵翮固非棲枳棘，白頭重欲詠甘棠。  
觀風倘入閩關境，邑有絃歌野有桑。  
滿縣栽花爛漫紅，竹園村巷也春風。簡書幕靜追呼少，  
鼓角樓高結構雄。三考九年嘉績在一堂，二妙頌聲同  
斯文相顧偏青眼，更欲題詩寄老翁。

送李孟和西上

天書海內起英髦，肯許山林索價高。一日聲名催宦達，

十年蹤跡類逋逃  
女憐擇對方諾卜兒擬應門未代勞  
寵祿少酬勤苦志不知何處試牛刀

簡張判簿

白髮蕭蕭映簿書  
年光冉冉近懸車  
一尊風雨同今夕  
萬里雲山隔故廬  
知道政須存老馬  
臨流休恨棄前魚  
清名百世陶彭澤  
種柳成陰自隱居

官閒便與野人同  
臥病移居白社中  
溪上騎驢思杜甫  
道邊畱憤問時公  
論文不愧荷衣賤  
酌酒須拚瓦缶空  
數日兒童勤掃地  
頻來林下聽松風

西風有待送歸帆  
猶滯溪邊臥草菴  
鄰酒倦賒心自醉

藍山詩集

卷四

七律

十一

客窗無事手能談  
天寒宛馬長思北  
日暮江鴻久在南  
同巷無由晨夕會  
老年筋力故多慚

餞張判簿

擲下朝簪似野翁  
故教白髮少惺鬆  
十年朽索馳危坂  
一日歸鞭指大同  
今雨便催新折柳  
故山應羨後凋松  
月明還有相思夢  
九曲漁舟款乃中

王事賢勞白髮新  
承恩此日許爲民  
久操判筆初停手  
還著儒衣卻稱身  
惜別敬持杯酒餞  
投閒暫卜草堂鄰  
故園松菊催歸興  
目送飛鴻北向秦

苦學由來遠大期  
不知陵谷忽遷移  
陶潛去就惟耽酒

江總平生酷愛詩高擢桂枝如昨夢暫棲枳棘已多時  
覃恩此日歸驂動萬里秋風兩鬢絲

次韻答張判簿

苦熱休嫌襪襪過欲詢爲况近如何陶公蓮社當尋伴  
杜老花谿許放歌正乏酒錢誰送與又添詩債費催科  
蒼頭不識相觀善牢閉柴門畏客多  
野人不識學爲官終老荷衣分所安泉石儘堪供嘯傲  
風塵猶喜出艱難獻酬有客同三爵粗糲期君共一餐  
獨念故侯忘貴重笑談只作布韋看

次前韻餞張判簿

藍山詩集

卷四 七律

三

莫訝城南一再過老懷無奈別離何承恩未及瓜時代  
善政猶存麥秀歌此日功名疎舊德當年經術亞前科  
冥鴻去盡青天遠獨立看雲慷慨多

行人欲發重盤桓一夜西風枕不安仕止可師賢聖在  
交親休念別離難松荒先隴宜秋掃菊滿東籬飫夕餐  
翹首雲中天萬里祇從南雁候書看

謝吳彥昭作小像

三獻無瑕白髮疎春風到處善嘘枯一杯又唱陽關曲  
五里還尋栗里圖秋思定隨鴻共遠老顏真與鶴同癯  
兒童贏得歸舟快囊裏衣典欲無

開口臨風牙齒疎搔頭向日鬢毛枯自知老醜成何物  
誰喚良工寫此圖藜杖偶從蓮社客角巾遙訝草堂癯  
一邱一壑從吾好試問仙人著得無

石村卜居候程芳遠

數日遙聞駕犢車青囊貯得異人書山前再宿辭仙館  
雨後長吟候野廬竹徑漫期羊仲入鹿門偏愧德公居  
子孫能守平安訓二頃山田也有餘

寄張雲松

杜甫平生草堂興老我正爾經營間溪流淺似浣花水  
秋色高並成都山愛客自須開竹徑故人誰肯訪柴關  
藍山詩集 卷四 七律 三  
吟邊卻憶張君子危坐臯比也未閒

懷張兼善

社酒醒來曾送客秋山望斷未還家雨聲門巷蕭蕭葉  
霜信園林采采花念我草堂初伐木候君松徑自煎茶  
角巾藜杖隨詩興十里青山日未斜

贈吳彥敬

卜居何論買山錢喜有南鄰二仲賢門徑新開疎種竹  
池塘分斷半栽蓮客來酒缶牆頭過兒學書籤架上懸  
况是世交同繼業林間猿鶴倍欣然

次張判簿畱別韻

素琴黃卷日相親不分名韁苦絆身萬里山河非舊國  
十年江漢尙迷津海門又送孤舟雨輦路重趨兩袖塵  
賀監乞歸天亦許鑑湖春水屬閒人

石村述懷

生長名山豈隱淪自緣衰病許全身書帷側近金雞洞  
漁艇長趨石鼓津秋草已迷推轂徑春波又送濯纓塵  
四方空有垂弧志乞得餘年號散人

題王季中歸故山卷

故園春色久相違巴蜀西游六載歸庭際撫松孤幹在  
沙頭候雁舊行稀數椽更爲藏書闕五畝何論學稼非  
他日杖藜來谷口白雲流水共忘機

藍山詩集

卷四 七律

十四

子冶欲論潁川出處久待不至書懷寄付雲松

荒庭佇立日將晡緩步微吟信杖扶雨過簷前蛛網在  
風來樹杪鶴巢孤也知黃獨非鈎吻誰向青松惜蠅蝓  
昨日甕頭春釀熟豈邀周顛過門無

贈薛鍊師

汪月閒先居西山數年後往金蟾峯解化有讖  
云三十年後吾當來相見故及之

長生何處得真傳徑入名山住十年共說墨符能役鬼  
又參丹訣擬陞仙吹簫坐久雲生石鍊藥眠遲月滿天

我亦願游方外者安期應笑早華顛

雪中偶成

背郭茅堂早閉門天寒獨戀緼袍溫  
琴書散漫無賓客稼穡艱難有子孫  
竹杖稍能扶病力梅花強欲惱吟魂  
蹇驢踏雪如堪借行盡溪南數里村

臘前三白報年豐里巷歡愉著處同  
林野漸添飢鳥雀階除初積走兒童  
梨花柳絮遮無地鷺羽鴻毛散滿空  
也有灞橋清興在獨慚衰老句難工

次韻雲松雪中二律

山中歲晚雪漫漫甕牖前頭失翠巒  
翦水應愁南浦淺

藍山詩集

卷四 七律

五

飛花亂逐北風寒明年已卜豐登瑞  
舊俗相傳瘴癘安空向茅簷堆幾處  
老眸無復映書看

鶴髮閒披曳履行大虛積素自生明  
人間失卻黃塵路天上移來白玉京  
孟老耽吟心獨苦袁安僵臥夢還清  
南村撥凍尋春色折得梅花寄遠情

再次前韻

北風吹落雪漫漫轉眼青山起素巒  
平地已迷行徑險

閉門猶怯擁爐寒池清有影驚梅重  
夜永無聲喜竹安憶向蘆峯凌絕頂  
下方俱作白雲看

嶺得藍輿冒雪行林巒相映玉華明  
應同蜀路經西嶺

又似胡沙抵北京，擊重更看危木在。號寒偏聽野猿清，  
開窗瀟茗題詩句。誰與山翁共此情。

送康鍊師歸上方觀

華蓋峯前上方觀，武夷洞口遠游仙。送君竹杖歸千里，  
寄我茅齋住兩年。紫氣浮關開雨雪，白雲垂戶候林泉。  
老懷此別休惆悵，更說崆峒壽幾千。

道人別我江西去，藜杖衝寒手自拈。久憶故山風月好，  
又驚歸鬢雪霜添。鄰翁遠候蒼精佩，關吏先知紫氣瞻。  
若過新城煩借問，月間遺蛻在金蟾。

送林彥明赴浦城館

藍山詩集

卷四 七律

七

君來別我意何如，絳帳談經席久虛。南浦春風波浩蕩，  
西山曉色樹扶疎。諸生鵠立詢奇字，道士鵝羣換草書。  
他日相思川路遠，祇憑尺素寄雙魚。

多材未許山中隱，此日鄰邦遣幣迎。題扇每傳王逸少，  
賣文今送斛斯明。晴空野鶴將雛遠，遲日林鶯喚友鳴。  
茅屋石田生計在，春風暫與閉柴荆。

次韻雲松西山春游五首

西山今雨叩門時，似與浮邱有夙期。良會可無佳客在，  
長吟忽動故人思。未能參道同餐玉，遠想清齋只茹芝。  
千歲蟠桃忘早熟，一瓢春醞寄來遲。

道院閒眠客思清  
泥途數里倦趨程  
春寒未退花全少  
暖靄微銷鶴又鳴  
城邑交流淤濁跡  
邱園總待發生情  
詩裳擬共連牀語  
猶愧衰年宿疾嬰

摩挲老眼倦編蒲  
雨過山窗兀坐孤  
松帶浮雲張翠蓋  
草承殘露綴明珠  
鳥鳴轉覺林塘靜  
花發方知節候殊  
張籍題詩工古淡  
愛來同賦輞川圖  
城南竹院似丹邱  
風雨遙知客獨留  
花映洞門春寂寂  
茶分石鼎夜悠悠  
蘇耽井近觀遺跡  
徐孺亭空悵舊游  
不待山靈朝俗駕  
題詩翠壑共賡酬

藍山詩集

卷四 七律

七

欲游方外老何堪  
惆悵西山舊石巖  
竹徑無塵深幾許  
松花有會近重三  
涼生夜枕煙霞潤  
飢憶晨厨筍蕨甘  
偶讀君詩如在眼  
夢魂飛繞白雲菴

題黃仲文爲孟方作松林樵者圖

伐木幽人入翠微  
松間久坐澹忘機  
百年霜雪高柯在  
一曲天風古調稀  
放筆擬將韋偃敵  
攜書懶逐買臣歸  
圖成寄示甯無意  
伴我山中老採薇  
松下幽人不受呼  
低頭抱膝對雙株  
半空翠色連蒼靄  
片石清陰轉白駒  
兀坐似忘浮世事  
乍逢應訝列仙癯  
廬山五老峯前路  
還有雲巢似此無



卜宅南村久未成從來堂構在畱情也知燕賀爭先集  
應笑鳩居拙自營環堵晚晴思傅築巖阿春暖候麗耕  
臨池更昨觀書牖時復摩挲老眼明

寄張雲松

谷口生涯已白頭量材揣分蚤知休春風茅屋初巢燕  
曉日桃林未放牛兒擬力田承素志客來扶杖共清游  
南山芝草年年長更與同尋綺里儔

寄張兼善

故人卜隱依山市野老遷居到石村濁酒近筭謀共醉  
新詩未穩許同論南風吹筍初成竹前雨移松已引根  
藍山詩集 卷四 七律 五  
閒向草堂尋杜甫百年地僻有柴門

擬牛牧子下訪

尺書迎候久徘徊紫氣青牛此日來七十流年加我老  
一生懷抱向人開丹經可信朱顏在詩叟多慚白髮催  
報與西山猿鶴侶舊時懸榻掃塵埃

候雲壑不至

柴門久候故人風不見巾車入谷中王子已同清興盡  
陶潛猶憶素心同餘年自卜牀頭易清響誰分爨下桐  
一片白雲天際起晚來猶自戀前峯

題余復嬰寄惠南山別墅圖

道人放筆起崢嶸一片南山豁眼明  
秋老層崖黃葉徧  
天清幽墅白雲生  
振衣便欲乘風去  
採藥還隨入谷行  
投老相依猿鶴侶  
共知谿上草堂成

送穆谷華西上

二十年前知姓名  
殊方未遂盍簪情  
偶過幽徑詢衰病  
自說公車召老成  
深谷良材須世用  
高空健翮起秋清  
野人願比支離木  
祇向山林送此生

送魏上修西上

建安多士起明經  
年少如君學行成  
春日慈烏勤返哺  
秋風丹桂久遺榮  
暫因樂育棲鄰邑  
又應賢良赴上京

藍山詩集

卷四 七律

九

自古移忠須就孝  
天顏咫尺更陳情

居貞請題國學鄭觀省回京諸卷

早歲宜充觀國賓  
故鄉長念倚門親  
白頭作夢持環在  
滄海馳情戀闕頻  
祖帳又開喧道路  
仙楂欲泛上星辰  
徵詩餞遠慚衰老  
空向山林想吉人

送鄭居貞西上

十年三上乞閒居  
又說鳴騶向草廬  
堯代巢由終有託  
漢廷嚴馬欲何如  
蒼生久待東山起  
素業能忘谷口鋤  
復有長林新構在  
一堂風月五車書

雲壑寄惠黃楊木簪并詩

黃楊爲木至精堅寸榦三春長未全偶乞餘材簪短髮  
兼煩佳句寄衰年籜冠不用傍人正欄笠還宜覆頂圓  
慚愧病軀梳沐少蓬鬆雙鬢日高眠

催黃仲文寄南山別墅圖

一段南山畫不成王維天趣與經營水清磬石思垂釣  
花落空村見耦耕青嶂白雲仙掌迴淡煙疎雨輞川明  
欲催下筆畱眞跡先許題詩助有聲

寄盧石堂

石堂勝概絕塵埃書徑重尋闢草萊舊識劉公爲地主  
始知盧老是仙才黃精斲處無人到白鶴飛時有客來  
藍山詩集 卷四 七律 十

底用避名居谷口少微光彩近三台

謝盧石堂惠白露茶

武夷山裏謫仙人采得雲巖第一春丹竈煙輕香不變  
石泉火活味逾新春風樹老鎗旗盡白露芽生粟粒勻  
欲寫微吟報嘉惠枯腸搜盡興空頻

西山訪盧石堂李青蓮因懷虛白

脫卻名羈世暫忘武夷西澗借書堂題詩莫訝盧仝怪  
嗜酒虛聞李白狂住久自應安畎畝興來相訪過林塘  
重瞻石塔懷虛白不見山中白石羊

寄王叔善

十年前識王長史驛舍題詩寄寂寥南北風塵音信斷  
東西歧路夢魂遙雪霜已入詩人鬢廣海長驅使者輶  
驄馬清風誰不避蠻中瘴癘一時消

寄劉仲祥索貢餘茶

春山一夜社前雷萬樹槍旗渺渺開使者林中徵貢入  
野人日暮采芳回翠流石乳千峯迴香簇金芽五馬催  
報道盧仝酣晝寢扣門軍將幾時來

寄雲松

雲松隱者巢居處上有屏山下籍溪花徑夕陽眠鹿豕  
釣磯春雨集鳧鷖十年種木春林遠萬卷藏書草屋低  
久欲相從叩羲畫負苓長往碧巖西

藍山詩集

卷四 七律

三

贈桃源孫牧菴

道士何年始種桃仙源深處不容舠一林曉色丹霞散  
雙澗飛泉錦浪高煙火自應塵世隔犁鋤還共野人勞  
采花食實年年事住向名山幾伐毛

述懷

五十無聞心已休賣書直欲買耕牛風來林屋清無暑  
雨過山田望有秋泉近小窗琴自響雲開遠嶂畫難侔  
日斜酒醒頻搔首惟有山翁得自由

次韻答劉南山

秋風木葉下庭臯眼底南山突兀高倚馬成篇知獨步  
屠龍挾技嘯羣豪未應澗谷藏名跡終見雲霄起羽毛  
偶辱新題驚病叟倚歌何敢近風騷

上官仲敏惠書用其挽藍澗弟韻奉答

城南分手五經秋肯信才名晚未收濟濟青衿歌在泮  
蕭蕭白髮倦登樓山川寥落雲千里骨肉淒涼草一邱  
尙憶冷瓊倚大樹西風九日舊同游

中秋對月

西風片雨過林塘對月還疑在故鄉灑氣平分清夜水  
微雲不動碧天長持杯且共寒蟾醉搗藥何勞白兔忙

藍山詩集

卷四 七律

三

雲谷故人忘世者當年同見海生桑

紙被

採得仙巖不老藤蒸雲煮雪揭輕冰光浮一片昆山玉  
暖壓三冬內府綾衣被生靈真有道卷舒明晦亦堪徵  
衰年朽骨寒尤甚自擁蒙頭到日升

寄葛仲溫

中年相識少相親逆旅來過不厭頻貴賤雖殊皆白髮  
荒園有處避紅塵玉壺且醉藍山月丹鼎須分葛井春  
更約明年同釣石桃花溪上兩烏巾

寄余復嬰

幾年韜隱武夷山肯向秋風換壯顏賣藥偶從城裏過  
圍棋誰伴橋中閒先天龜筮傳神妙何日刀圭乞大還  
不信塵埃空老大溪頭已結屋三間

題程芳遠游方卷

程芳遠氏學楊而好儒者也早年與故弟藍虛  
白爲方外交所至必禮宿師名儒以求講益新  
朝取士無棄材芳遠又以方外得免藍澗弟在  
山時復與爲泉石侶芳遠近以雲游卷求詩余  
喜芳遠之獨善又悲二弟之早逝臨紙惘然

畱形且作地行仙依止名山五十年雲水遠游天下半

藍山詩集

卷四

七律

三

松筠高操歲寒全清吟近日窺風雅真訣先天講洞玄  
諸弟論交多換骨還丹未許老夫傳

題瑞香

南園秋色盡凋零別有幽芳出遠林葉布綠雲晴藹藹  
花攢紅粟曉森森雪中吐豔爭春早露裏浮香坐夜深  
不與梅花同素淡時人少識歲寒心

兒時長記侍重闈頻向花前戲綵衣春樹婆娑低几杖  
夜香浮動襲屏幃關心霜雪開時早晦跡山林識者稀  
四十年餘看物變又扶衰病對芳菲

吳子仁氏有斑竹杖藏之數年矣文彩熒然堅勁

可愛近以贈仲溫葛先生葛公得之甚喜登山  
臨水之興浩然不可遏也過余求詩爲賦二律  
數尺長筇拄過眉雲痕雨點灑淋漓託根霜雪生吳會  
借力風雷起葛陂石徑攜歸花滿地溪橋閒倚月明時  
野人素有游山癖欲問仙翁借一枝  
翦得修篁滴瀝斑湘妃淚灑幾時乾蛟龍變化休臨水  
虎豹文章本在山孤榦自憐高節在虛心相倚暮年安  
花村酒熟邀皆去烏帽春風酩酊還

擬寄葉希武

八十猶傳不入城南州耆舊傳應成自歌白石時長短

藍山詩集

卷四

七律

十四

誰信滄溟又淺清縱目已隨春樹遠離愁更與暮雲平  
凡材蒲柳多先悴長向山中說姓名

挽陳伯升蕭慈谷

二公化日同門有爲鄰媪稱觴不至故未語及  
之

二老長齋共白頭一朝相挹去西游已傳換骨藏諸洞  
又說飛神上十洲賣藥壺公今暫隱開花殿七久難留  
疎狂卻憶東方朔只戀蟠桃不自由

永平王谷雲來武夷奉其師慈谷蕭先生仙蛻以

歸藍山拙者嘉其誼而贈之

遠尋遺蛻訪仙壇又舉空衣返故山猿鶴淒涼思舊社  
鬼神呵護惜餘丹紫溪涼月迎歸路白塔晴雲送出關  
山下居人瞻望處南天飛度劒光寒

寄林信夫

一官江北佐鳴絃消息時因過客傳不信阮生悲失路  
自甘陶令賦歸田榕窗茶熟煙棲屋荔浦帆歸月在船  
憶昔過門慚二仲蒼蒼風景舊山川

用希貢臥病書懷韻寄雲松昆仲

秋山搖落正堪悲蒼狗浮雲事不知閱世祇應貧可免  
閉門眞與病相宜坐依東壁看書倦行過南園散藥遲

藍山詩集

卷四 七律

三

筆硯重尋塵滿几故人已訝久無詩

至梅村別業再用前韻寄雲壑

猿鶴相招隱此山柴門一徑雪霜殘已知富貴輸年少  
自抱幽貞傲歲寒野老許攜新釀至鄰人肯借舊書看  
陽和欲候梅梢信數日攀躋未覺難  
世情只益老年悲秋氣先從病骨知高臥且尋愚谷僻  
曠懷惟入醉鄉宜田園著處徵徭急風雨孤村穫斂遲  
擬約道人雲壑外茶鐺煮瀑共談詩

次穆之暮春述懷韻

鏡中短髮已蒼蒼臥病經旬懶下牀風雨暗催春事老



山川遙接暮愁長一犁新綠農耕少萬石陳紅海運忙  
鶴爾趁晴扶杖出鶯啼谷口藥園荒  
蕭蕭風雨滯貂裘臥向花時不自由世事祇須頻洗耳  
春光難挽重搔頭他年孔壁書仍在何處仙洲藥可求  
溪上草堂風景異綠陰重疊罩漁舟  
庭前梨熟開兒童踏樹攀枝漸欲空一團削玉并刀下  
數片浮冰碧椀中療渴已能除痼疾嘗新何幸及衰翁  
仙人只愛如瓜棗安得移根種海東

送黎與劉鎮撫

藍山詩集

卷四

七律

七

自得嘉名百果宗纍纍幾度熟秋風樹根頻掃林無蟻  
竹葉重遮谷有蜂揮刀卽看冰片落登盤惟恐雪花融  
野人久念將軍渴遠遞雙筐手自封

雲松雲壑會宿翁源別後追賦

三日籃輿到處行雲深只訝野猿驚稍尋僧舍侵林影  
偶聽樵歌出谷聲野老掃門霜葉滿山童淪茗石泉清  
詩囊一夜談無底共笑雞鳴夢不成

贈虞道士

清修苦節學神仙九轉功成別有傳傾蓋猶思山市語  
畫圖遙寄草堂懸一天星斗斟明水幾處風雷送有年

擬過蒼峯看修竹開門不惜煮春泉

四 爲雲壑題雪友墨梅

歐陽筆下開冰雪竹外橫斜見一枝庾嶺獨憐春色早  
羅浮相憶月明時林間自伴幽人隱湖上長歌處士詩  
老我歲寒頻對此白雲幽壑共心期

八 梅村與雲壑會宿

清泉白石趣難忘又得春前會草堂對酒先拚今夕醉  
題詩還倚少年狂山林寂寞形容老冰雪間關道路長  
共愛雞鳴聽山雨後期何處更連牀

寄雲松

藍山詩集

卷四

七律

七

早歲相知晚更親別來併覺白頭新浮雲世事凡千變  
空谷生涯只一貧古道相看松竹冷巔崖共畏雪霜頻  
題書報與加餐飯臘盡風光漸轉春

九 次雲松長山道中韻

人煙蕭索石田荒茅屋低斜倚礪岡雪裏送租衝虎過  
雨中乏食學蠶僵三丁編戶衣裝急百斂沿村土木忙  
懶共老農談世事自搔短髮對斜陽

十 餞彥材居貞子玄仲晉

四賢同起七閩中久望仙舟上北風水驛偶成三宿別  
茅簷因得一櫓同高歌激烈詞源湧古帖臨摹筆陣雄

他日瀛洲羣彥集題書報與白頭翁

立春偶書

八八衰年只緼袍閉門春日自歌騷一尊風雨心空壯  
數畝田園興不高黃卷但知賢聖對白丁誰問子孫勞  
不堪兩鬢蕭蕭雪猶向人前作桔槔

題六朝遺秀圖

登臨長憶鳳凰臺六代興衰入老懷山色只知今日好  
水聲如訴舊時哀天低白日浮雲合地勝黃金與土埋  
王謝諸公吟不盡風光畱待後人來

再賦瑞香

藍山詩集

卷四

七律

五

瑞香當作百花宗翠葉朱蕤碧玉叢先得陽和開兩月  
也禁霜雪度三冬江梅比節終藏白仙杏同時合釀紅  
華石綱中招不去山林歲晚強爲容

寄劉蘭雪

故人出處本隨緣近日清修擬學禪愛子早承兵印重  
在家先許佛燈傳長空澹澹雲俱盡清夜沉沉月正圓  
我亦東林同社客灰心世事了殘年

送蜜與蘭室

松花崖蜜古方傳久服輕身更引年愛伴茶爐烹雪水  
懶隨桂酒釀山泉清涵渴肺醒司馬潤入枯腸笑玉川

亦有小詩呈具眼煩將真味別中邊

苦雨吟

南山獨稔禾滿疇連村疾疫無人收雨聲三月不得絕  
臥穗在水秧齊抽民爲邦固不可活我恐天將破誰尤  
調和元氣在彌輔五風十雨歌有秋

田家對哭傷秋霖黍穗黑盡飢腸吟臥牀未起潦水入  
築場甫畢泥途深六旬不得覩白日四海只知愁太陰  
衰年太息值此世補天填海空勞心

西山與雲松會宿

兩屐春泥懶過門一筇斜日會前村煙霞夢想西山榻

藍山詩集

卷四

七律

无

風雨襟期北海樽不俟主人趨竹所休煩漁父入桃源  
老年謬忝詩名共莫惜燈前更細論

題步月村

南村今夜月明多藜杖敲門野老過一點流螢依露竹  
數聲鳴犬隔煙蘿招邀蟾兔來中野慚愧茅茨枉素娥  
徵發漸多耕織少清樽幾處照酣歌

經杜清碧先生墓

皓首山林草太玄鶴書徵起又歸田一窩自得堯夫樂  
三策誰知賈誼賢空有墓碑臨道路更無書屋貯風煙  
後來仰止前修遠慨想升平七十年

藍山送鄭居貞歸瓜山終制

鳴騶出谷杖藜歸陟屺餘哀更濕衣白鵲紫芝居漸近  
青松翠柏種來微趨庭喬木蒼蒼老避弋冥鴻遠遠飛  
海上三山人跡少煙波從此尺書稀

送太史子玄之忻城縣丞

慶遠忻城嶺海間儒衣新授長民官哦松不可閒風月  
棲棘何愁老鳳鸞夷獠雜居生自遂包茅貢入政從寬  
惠連曾忝觀風使畱得題詩到日看

藍山詩集

卷四

七律

三

惠連曾忝觀風使畱得題詩到日看

慶遠忻城嶺海間儒衣新授長民官哦松不可閒風月

棲棘何愁老鳳鸞夷獠雜居生自遂包茅貢入政從寬

惠連曾忝觀風使畱得題詩到日看

慶遠忻城嶺海間儒衣新授長民官哦松不可閒風月

棲棘何愁老鳳鸞夷獠雜居生自遂包茅貢入政從寬

惠連曾忝觀風使畱得題詩到日看

慶遠忻城嶺海間儒衣新授長民官哦松不可閒風月

棲棘何愁老鳳鸞夷獠雜居生自遂包茅貢入政從寬

藍山詩集卷之四終

山陰傅七年

